

BAKURUBASANNI


(nimoro 12 songo)

Mali kono = Dorome 300

Afiriki kono = Dorome 600

Jamana were = Dorome 1000

Utikalo san 2003



Kunnafoniseben bota kalo o kalo, BP: 24 Telefoni : 221-21-04, Bozola Bamako-Mali, San 31nan boko 379nan A songo : dorome 15

Ségesége likelaba bennna sigi Mali kono

Depitew jenna ni ségesége likelaba sigili sariya ye, taradon, san 2003 utikalo tile 12, lere 8 fesefeseliw kofe. Sében in labenna jamana baaradaw bayelemalikow minisiri fe. Minisiriw ka laadalatonsigi tun ye yamaruya di sében in kan zuwenkalo temenen in tile 4, nka a tun ma se ka fesefese depitew ka laadalalaje senfe, awirilikalo la. Depite 126 jenna ni sariya kura in ye. 6 ma son, 7 ma wote.

Fan fila tun be sosoliw kene kan : dōw y'a miiri ko ségesége likelaba joyoré ka bon jamana kow fesefeseli la; dōw y'a fokonafaba te ségesége likelala la, bawo ko cakeda caman be Mali la minnu ka baara ye fesefeseli ye. Ségesége likelaba be sigi ka san 7 ke, segintekeminkan. Ségesége likelaba do be far'a kan; o y'a ka dankan ye; a n'o sigicogo bee ye kelen ye; baarakelognoye ségesége likelawye; baarakela werew be yen minnu ye demebagaw ye. Ségesége likelaba n'a ka dankan b'u kali sann'u ka baara damine.

Sariya b'a kolosi a ka baara hukumu kono; a be ségesége li ke ka soro fangaso si m'a fo a ka ke. Nka mogo bee be se ka sariyasosolikow fo a ye. N'o kera ségesége likelaba ka kan ka kunnafoniw soro minnu b'a dème k'a ka baara ke. Kunnafoniw sabatili n'u sabatibaliya b'a bolo an'u ka kan ka ke cogo min na.

N'a jora a kan ségesége likelaba be se ka feerew siri n'a ma ke mineni ye. Tuma o tuma n'a ye sariya sosoliko lakodon a be se k'a sara jamana



Depitew

sariyatigi la walima küritigela do. San o san a be sébenba do dilan ka ci jamanajemogoma, ani goferenaman nemaa, ani bulonba nemaa. O nefolisebenba ka kan ka lakodon bee fe. Baarasiraw be ségesége likelaba ni forobabaara ségesége likelaw ce; olu b'u ka baara bolodalenw ko fo a ye ani k'u ka ségesége li nefolisebenw dia ma.

Waati damadonin sariya in talen, depitew y'uka tonsigi kerenkerennen

datugu min tun dayelela zuluyekalo temenen tile 7: A ka datuguli laseli kono, bulonba nemogo, Ibarahima Bubakari Keyita y'a tojogonw fo u ka dakabana baara kelen na: Sariya caman tali, goferenaman ka baara ségesége li, cidenw bilali ka taajamana kono ani jamana kokan.

Depitew be jogon soro okutoburukalo la laadalatonsigi kene kan.

Alayi Lamu
Badama Dukure

KONKO

Madagasikari jamanakuntigi nana taama na Mali kono

Falaba Isa Tarawele ntanyara

Tababu minchenew bilala : Kininkinko ani walenumandou

Jiri bena ke sababu numan ye Nizeri jamadenw ma sumaya keleli la

Sugu caman jenina Farafinna tilebinya fe

Kalankenc n° 9nan

Koirisene n'a gelcyaw Benen

Joliba ni Kisira, Tata wasara, Kupud-Mali diyara

San 2003 Ntolatan, nanaw kera Esitadi ni Joliba ye

ne 2

ne 2

ne 3

ne 4

ne 8

ne 9

ne 10

ne 11

ne 12

Madagaskari jamanakuntigi nana taama na Mali kono



**Peresidan Amaro Tumani Ture ni
peresidan Mariki Rawolomanana**

Madagasikari ye Farafinna jamana do ye. Guṇ belebebe don min ni Mali ka jan nogon na kosebe. Nka o m'a bali jamana fila k'u tege di nogon ma kabini bi tsé. Madagasikari jamanakuntigi Mariki Rawalomanana donna Bamako zuluyekalo file 30. A ye tila 2 ke an ka jamana kono. A ni jamanakuntigi jera k'u hakillaw falen - falen Farafinna, djen ani.

jamana fila
kunkankow kan.
Dunanba in ye Mali
ka cakèda caman
laje, a ni jamana
faama caman sigira
ka kuma. Bi, Mali ni
Madagasikaribe se
k'u tegé di nogon
ma politiki sira kan,
bawo kosa in na,
Mali ka murutiba
nogonkera ufeyen;
o kera sababu ye
Peresidan koro ka
fanga bila ka boli,

kura ka sigi. Nka kura in sigilen n'o
yé, Rawalomanana ye, geleya carnar
donna Madagasikari ni jamana
yeremahoronyalenw ce.
Mali ni Madagasikari bc se ka nogon
deme demokarasi sinsinni ni soro
yiriwallibaa rawla, Farafinna ka ntaa
sabatili kama.

Mahamadu KONTA.

Farafinna Musow ka donba

Bamako yan, Alamisadon,
zuluyekalo tile 31, Mali musow ye
lajeba ke palédikongere la;
Farafinna musow ka donba
hukumu kono. Laje in nemogoya tun
be jamanakuntigi muso bolo, Lobo
Tarawele, Madagasikari
jamanakuntigi muso tun be kene
kan UNICEF nemogo Farafinna
tilebinyanfan fe, ani an balimamuso
Mádamu Aliwata Isata Sahi, o min
ye Farafinna tilebinyanfan musow
ka nemogo ye. Goférenamán
minisiriw tun be yen ani muso ba
caman ka bo jamana fan tan ni
naani kono.
Ninan baaraw bolila hakillila min
kan, o ye musomanninw ka
lakoliladonko ye ani musow ka
balikukalanko.

A jirala k'a fo ko burusi kono, n'i ye musow jo tan-tan, i b'a ye ko seegin ma kalan. Lakoliko la, cemanin minnu si sera kalannadon ye, keme o keme, 75 be don lakoli la, nka musomanninw na, keme o keme, 55 doren de be ta lakoli la. Sanni san 2008 ce, Mali goferchaman y'a jira, ko musomannin dontaw lakoli la, o-hake be se 70% ma.

Jamana kono, musow ma to ko abada fasobaara la. An ka duw kono, olu de jolen be faha ni baara fanbaw ye. Nka soro sira kan, olu de ka faantanya ka jugu kosebe. Fura min be jamana yiriwali la, fura min be duw sinsinni hi dudenuw ladamuni n'u ka kene ya sabatili la, o ye musow kalanni ye.

Mahamadu KONTA.

ne2

KIBARU BOKO 379 NAN UTIKALO 2003

卷之三


Terraced lanterns

Székesfőkörül több mint ezer településen
naturális zöldterületekkel rendelkezik. Ez a
felületek körülbelül 1000 km²-t tesz ki.
A legnagyobb Miskolcon van, de
fürdőszállodásokban is előfordulhatnak
ezek. Egyetlen településben több mint
végzettségi területet is lehet találni, de ez
klímatípusunknak köszönhetően nem igazán
alkalmazkodik az itthoni színvonalhoz.



卷之三

Tubabu minenew bilala: kininkininko ani walejumandon



Faraje mogo 15 tun miñena Alizeri, Sahelikungo kono, Feburuyekalo temenen in na, u bilala : Alimanjamana mogo 9, Suwisijsamana mogm 4 ani Olandijamana mogo 1. Faraje minnu tun be yaala la sahelikungo kono k'u yere diyabo; u tununna. O kelen min ke, binkannikelaw y'u mine, k'u lasago, ko ni wari caman ma di u ma, t'u bila. Tile farinya ye muso kelen faga faraje ninnu na. Utora mogo 14 ye. Alimanw ka goferenaman ye fecere suguya bee tige walasa Alizeri goferenaman k'u deme, k'u ka mogow bo bolo la, a ma ne. Alizeri sorodasiw wulilen Binkannikela ninnu kama, u jiginna Mali kono ni faraje minenew ye. O la, Alimanjamana y'a nini Mali peresidan fe, kerenerenneny la, a ka wulikajow ke, ka mogo mineneñ bo bolo la. Mali ye soronadonnaw wuli; olu ka ne mogoya tun be Gavo mara kuntigi bolo, Koloneli Amadu Baba

Ture. Sigikafo caman kera. A labana, binkannikelaw jenna, ka da Mali la, ka faraje ninnu bila. O kera ntenendon utikalo tile 18 Gavo. Tubabu ninnu sera Bamako taratadon sufe, hege kanje 21 ni sanga 45 waati la. jamanañemogo y'u bisimila «Pale» la. Mogoba caman tun b'o kene kan, Mali faamaw ani Faraje minenew ka goferenamanw ka cidenw. Mogo saba ye kuma ta : Mali jamankuntigi, Alimanw ka ciden, ani Suwisijskaw ka ciden. Nin mogo saba bee ye foli ni walejumandon ke, ka barika da Ala ye. Faraje minenew y'u wasa don mogo kelen na, o ka foli ni walejumandon ke u togo la. U y'a jira k'u progtora Ala ni Mali sababu. O su kelen na, u ye pankurun ta ka taa u ka jamanaw kono. A ko kera kininkininko ye. A kuncera Ala here la. Mali ye kunkorota sorm.

Mahamadu Konta

«USAID» ye minenw di kalan minisriso ma

Kalan minisriso ye sefawari miliyon 334 minenw soro san 2003 utikalo tile 25 minnu dira lamerikenw ka ciyakeda «USAID» fe min nesinnes don dije selike naani yiriwalí ma. Minenw dili jenaje jemaaya tun be kalan minisriso ka sebenjenabola Baritelemi Togo bolo. A kera lamerikenw ka lasigiden Madamu Wiki Hidelsitonì jena.

Kalan minisriso ye mobili 3 soro moto 88 «ordinateri» 30 ani gafew, bamanankan, koroborokan, fulakan ani tamasekikan na, ka fara kalansheben werew kan-minnu ka kan ka di minisriso baarakeyorow ma Bamako yan ani jamana fan werew fe.

Nin minenw dili dara caman werew kan minnu kera ciyakeda in fe minisriso ma. Desanburukalo temenen in na «USAID» tun ye minen caman ni mobiliw di kalan minisriso ma.

Modibo Konate
Badama Dukure

Maliden fila ni lagineka kelen minena warikolon labaarali la.

Alizeri lakanani ciyakedadaw y'a jira ko Alizeri «zandaramuw» ye maliden 2 ni lagineka 1 minne k'u don kasola Batina mara la (a ni Alize ce ye kilometre 450 ye tilebinyanfan fe).

Maliden kelen ye dogotoro ye min be baara ke dije seleke naani ciyakeda do la; nk'o ma pereperelatige. Ce saba ninnu mincha ka «Ero» miliyon kelen ni tila kolon sor'u bolo an'u dilalifew.

A te teme dogokun damado kan war kolon labaarala dow minen Barika «zandaramuw» fe; maliden kelen tun b'olu la.

Badama Dukure

Jiri bëna ke sababu juman ye Nizeri jamadenw ma sumaya keleli la

Nizerijamana kan, yamaruya dira koperatiwu do ma, a ka farafinfura dilan k'a feere. Fura in ye sumayafura lakika yëre de ye, wa a songomana ca. Ka da a ne kan, jama girinnen b'a kan fo ka mogow kabakoya.

Mariseli Talibo, o ye muso ye; a be bo Kebek, Kanada. Ale de ye nin hakili juman in soro, a nanen Nizeri. A y'a kolosi ko dögötöröfuraw da ka gelen, u sanni se te jamanadenw ye. A y'a ye fana, furajuguw bonnen be suguw kono, mogot'uboyorodon, ufenseñnen be duguma fanbee, wa ubekamogow faga cogo min u be k'u faga ten. A ye jateminke, k'a ye, ko Nizeri jamanaden fanba b'a yere furake farafinfuraw la. Fura do be yen, o be dilan ni «zabara» ye, o ye jiri do ye. O jiri in ye sumayafura juman ye. Tubabumuso in ye feerew tige ka furadilanyoro do jo.

O yoro kelen in na. A be furakeli fana ke, nka, yanni a ka nin baara ninnu damine, a sera morike do ma. O ye gundo caman di a ma sumaya furakelicogo kan ni jiriw ye. Tubabumuso sababuya la, faantanw be sumayafura soro sefawari 30, k'u

ka bana furake k'a ban pewu, ka soro kenyereye dögötörösow la, ni ba kelen ni keme fila t'i kun, sumaya b'i faga. Geleya folo min be Kanadaka in kan, o ye dögötörösow dögötöröw ka keleya ye, bawo ni farafinfurako fura dörön, olu b'o ke sigannako ye. Nka, dugumogow be ka farafinfura labennenin lakodondöön-döönink'a mankutu jumanw jensen. Tubabumuso in hakilila ye, ka fura in lase Nizeri jamanaden fanba ma. An be don min na i ko bi, n'i ye jamanadenw sigi keme-keme, duuru dörön de yefura in soro. Geleya filanan ye, fura in be dilan ni jiri min ye, ka se k'o foro belebele laben Nizeri bawo, baara be ke ni minnu ye sisan, olu fanba be bo Burukina Faso. Foro blinnen ko, a hakili b'a la ka furadilan izini do jo. Tubabumuso mako be nafolo caman na walasa a ka lajiniw be sabati. Larmerikenw kelen be ka layidu ta a ye; n'o bora a sira fe, a ka ca a la, sumayafura juman in bëna dije bee labo.

Ibo DADI Abudulayi
Mahamadu KONTA

Mali: Sumaya keleli

Sumaya ye kenyako geleyaba y'an ka jamana kono. A be ke sababu ye ka denmisennin caman faga san o san.

Walasa k'a keleli faamanw ni kenyaka tigilamogow ye feerew caman sigi sen kan. Do farala o feerew kan ni bolono bilali ye seben na min be wari dil kofo Mali ma, sumaya keleli dije seleke naani kono, ani Sida ni sognosogninje keleli fe. Bolono bilala benkansében in na kenyako minisiriso la san 2003 Utikalo tile 21. Demen be ben sefawari miliyari 5 ani tila ma. O wari be do fára sumaya keleli baara kan minnu be senna kabini tumajan an ka jamana kono. Sumaya be ka tijenibaw ke Farafinna. Kenyaka minisiriso ka jate bölenw be bana injuguya jira ko Malidenw ka saya sababu folodon; akajugumusokonomaw ni denmisenninw ma minnu ma san 5 soro. An ka jamana kono, keme sarada la dögötörösotaa 33 sababu ye sumaya ye.

Burema DUNBIYA Badama DUKURE.

San 2003 hiji

San 2003 la, maliden 3758 taara hiji la. O haks la, mog 1230 taara gofersnaman ka sira fe. A tow

taara kenyereye siraw fe; kókan malidenw b'olu la minnu taara sira wérew fe.

Dögötöröw ye do dakononén falen

Nin waleya in kera Otirisijamana kan, u ka faaba kono, Wiyan, zuluye kalo temenen in na. Nin y'a siye folo ye dije kono, nen tijenien ka falen nen juman na, hadamadenda kono. Bana min be wele kanseri, o de tun be banabaato in nen na; a si tun be san 42 la. Nen koro tigeli ni kura kalali baaraw bëna lere 14 ma. Otirisijamana dögötörö minnu ye nin baara in ke, olu y'a jira, k'u ma geleya si soro opereli in sente. U hakili b'a la fana, ko banabaato in tene geleya si soro, opereli in kofe. Nka nen kura in bora yoro min na, a soro cogoya min na, olu ma fo.

Samataségew ka degelikaramogo kura Hanri SITANBULI

Samataségew ka degelikaramogo kura Hanri SITANBULI donna Bamako utikalo tile 30. Hanri SITANBULI bangera san 1961 utikalo tile 5 Oran (Alizeri).

Faransika don.

Dogokun nata degelikaramogo kura b'a ka baara folo clamens ni samataségew ka teriya ntolatan ye min be ke Faransi Mali ni Lagine.

Samataségew ka degelikaramogo nali ni Joliba ta tali bëna n'o ye Sidiki Jara ye «Joliba» hemiaaw ye min labila

Samataségew degelikaramogo koro Kirisitiyan Dalize labila san 2003 utikalo tile 25 Mali ntolatarjekulu fe.

Ka sa baara fe

Dije seleke naani tömba min jessinen don baara ma, o ka seben do y'a jira kosano sandije kono saratala miliyon 270 be jogin baaradaw kasaraw la, ko mog 500 miliyon 160 be banasoro baaradaw la. Seben in y'a jira fana ko minnu be sa k'u to baara la, olu ka ca ni miliyon fila ye san kono. Okoro ye ko don o don baara be mog 5000 faga. Faransi kono san o san saratala 780 be faga u ka baara fe; (a ka ca ni mog 500 fila ye tile kono). Kasara minnu be ke, olu be se 1.350.000 ma; o be ben mog 500 joginien 3.700 ma tile kono, mog 500 joginien 8 sanga (miniti) kono.

Ninan kalanko

Ne be kuma ninan walambila kan, sabu kuma cayara, ko walambila ma diya. Walambila be se ka diya cogo di? San tan kera, kalan penamen ma ke. Jinan, kalan doonin kera, ko kalanden be se ka sannayelen soro, o ye yerenegen ye, sabu n'i ye Mali kalanko ta k'a da i ne koro, aat bana geleyara, fo an minnu ye kunfinw ye, anw te tacogo ni bilacogo don a la. Sabu n'a fora ko ka pogondanw (skizame) san wari la, walasa i den ka sannayelen soro, i b'a don o la, k'i ye doni da i den kun. O den masina mana ke cakeda do nemogo ye, ale yere b'a don, o yoro dönniya te a la, o baara tinenet be caya. O temenén ko, don o don, a kuma be ka fo ko be se ka kalan, o tuma faantanw denw bëna kalan cogo di? Sabu lakoliden ka pogondan bilalen file wariko min kan, o b'a jira ko faantanden sen te, Mali lakoliko la tugun, sabu n'a fora e faantan to, ko e ka ba mugan sara walima ba tan, n'o t'e bolo; e den tena temeyoro soro. O tuma, ni nemogow ma nemini a kola, jamana ka netaa be geleya, sabu ni lakoliden ma a ka sannayelen soro n'a kunkololata ye fo wari be bo ka e layelen sanfe, o ye yerenegen ye. Nin tun ye ne ka laadilikan ye. N ka foli be be se ye.

Yaya Mariko kalanbankura
Kati mara la

Bajiko lahalaya

Ji be ka yelen ba be se la fo n'a kera Banin ye Duna ani Faleme Gurubasi. Selenge babili labilidamini na san 2003 utikalo tile 14; o be to senna. Bakerefemogow ka kan k'u cogo don. San 2003 utikalo tile 25 ji hakew be salon taw ne; walima u ka ke kelen ye, ba be se la fo n'a kera Manantali jitonyoro ye.

Taal enjeji yelenne bëto senna baw be se la.

Ka banaw laje arajo la, o be dogotorow ka baara nogoya

Furakelisongo ka gelen bidogotorosow la, o ye gelcya dan ye. Nka o n'a te be, banabaato lajeli arajo la, o ye dogotorow ka ninifén ye, min be se ka ke sababu numan ye banabaato ma. Lajelisara ye : 600 - 1400, a be se ka caya n'o be se ye). Dogotorosow la, dogotorobaw mana u ka stgesegeliw ke, ka bana yoro don farikolo la, tuma dow la, u be wajibya k'a jira banabaato la, a ka taa arajo ko. Arajo b'a to bana sigilen be farikolo yoro jorjor min na o ka don, a ye tineni ke ka se hake min ma, o fana be don. O la, dogotoroba ka kan ke min ke a ka kan ka fura suguya min ke banabaato la, a b'olu fana don. Arajolalajeli be siga - siga bo dogotoroba la, bawo fen min te se ka ye nc la, arajo b'o ye. Mogo minnu faamuyalen don

arajolafilleli la, olu doron de be se ka arajo ka jaw kalan, k'u nefo dogotorow ye. Dogotorobaw be baara ke, K'a ta olu ka dabada ma; o la, filli be dogoya furakeli la. Nka, ka to ka banabaato laje-laje arajo la, o fana ma fo, o manji, bawo arajo be yeelen min sigi banabaato kan, o be se ka na ni bana were ye min tun t'a la ka koro. Dogotorow ka arajo yemansinsuguya min ye, a te furakeli ke, a ta ye bana sidonni doron de ye. A ka ca a la, fogofogodimitow, komokillidimitow, cekorobayabana, a n'olu pogonnaw, olu de be laje arajo la. A ka ca a la fana, arajo manan minjira, dogotorobaw be teme o sira fe. Ala barika la, bana be keneya.

Burema Dunbuya
Mahamadu Konta.

Faransi ye lakanalikelaw laben



Faransi bora ka soro dasi ni lakanalikelaw son mobili 60 la moto 10 jitamobili 3 kungokonotasuma kama ani lakanalikelaw ka finiw. Peresidan Amadou Tumaani Ture tun be nin nenaje kene kan min kera «ZEMESI» la san 2003 utikalo tile 12 don.

N'in b'a jira, ko Faransi ni Mali ce

kojew sabatilen don ani ko mogow lakanani ye haminakow do ye. A te teme kalo damado kan, jamana nemogo tun be nin suguya nenaje kene kan polisiw ka lakoliso la, min kera sababu ye ka mobili caman ni moto caman di lakanalikelaw ma.

Bayi Kulubali
Badama Dukure

Isa Jalo ka nininkaliw Jate gansan ni warijate kan

1) Ne be Kibaru nemogow nininka fen do la, n'o ye ba kemeke ye. N'i be nin kalan, nin be fo cogo di? 787 500 000 walima 928 956 950. Tiñe na an ye sosoli caman ke a kan, an ma se ka ben cogo si la.

2) Kafo ye mun ye?

3) Kubeda ye mun ye?

Tiñe na wa kemeke in kera sosoli caman ye. Ko wa keme duuru te yen; ko wa keme fila te yen, k'o ye miliyon ye. Ne ma se ka faamuya soro nin ko in na cogo si la. N'aw sera ka ne bo fili la o be diya ne ye kosebe.

Isa Jalo Animateri don ka bo

Kodugu Kati mara la,

Komini ye Diyon ye.

Jaabiw

An be an terike Isa Jalo ladonniya, k'a fo, ko geloya min b'a kan, okelen inde be mogo caman kan. Halli balikukalansobala, gelaya be warijate nidanniekola. Minye kafoni kubedaw koroko ye, bi, geloya b'o fana na. Desantaralizason kelen, o korow fana yelemana. An ye jaabi minnu soro mogo faamuyalen daw bolo, i n'a fo Zumana Kane ni Solomani Kulubali ka bo balikukalansoba la olu file nin ye:

Kibaru kalanbagaw k'a faamuya ko

Janto : da minnu b'i bolo, n'a soro jate gansan don (kelen-kelen jate), i b'u kalan ka a soro i ma fen fo ka kon.

N'a soro jate gansan don, i be dorome wali (tama) fo, ka kon da, kalanni je.

	ani	ani	ani	ani	ani
	biliyarisere	miliyarisere	miliyarisere	basere	banonasere
1) 787.500.000			7	8	7
2) 928.956.950			9	2	8
1) Kalanni - miliyon keme wolonwula ni bi seegin ni wolonwula aniba keme duuru.			7	5	0
2) Kalanni - Miliyon keme konoton ni mugan ni seegin ani ba keme konoton ni bi duuru ni wooro ani keme konoton ni bi duuru.			9	5	0

Kolsili: n'a soro ko da ninhu ye faranw ye (787.500.000 F), walasa i k'a don dorome (5 F) hake min don, i ka kan ka da in tila 5 ye (787.500.000 F) : 5

I be da min soro (15.750.000), o kalanto i be foli damine ni dorome ye:
Dorome miliyon 15 ani dorome ba 750. —————> walima dorome miliyon 15 ani ba 750.

Kojugukela cayara Bamako

Waleya min kera Bamako kono zuwenkalo tille 21, aa! O ye mogow jorg, sabu binkannikelaw ka marifa ta k'a ci mogow la tilegan bilen fe, aal ni jamana nemogow ma u hakili to jamana na, a baara bëna geleya an bolo waati do la. Bamako bilama, a kera su man di tile man di. O tuma malidenw b'u ko min? K'u ja min? Ni y'imiri Mali sigicogola, jamana seegin kelen be ka Mali lamini.

O jamana kelen o kelen, o jamana mogo bee be don Mali la, a si ni taamaseben yamaruyalen te don an fe yan. Nin jamana minnu kofolen file, mogo juguw be u bee kono; n'u be na, u be se ka na ni maramafenw ye, jango kele be minnu kono sisan. O tuma, nijamana nemogow ma wuli k'jo, kele be jamana minnu kono, olu bëna u diya ka teme an kan. Ni mogo juguw cayara jamana kono, diyagoya a kasara be bonya. Ni Mali dondaw ma këlesi Maliko bilama kera kononafilikoye, binkannikelaw be Mali fan bee fe : togodalamongow te to, siradaw te to, kuma te dugubakonaw ma. O tuma Ala ka Mali kisi balawu ma.

Yaya Mariko
Kalabankoro Kati.

Nogoko

An ka ninan samiyec daminecogo ka nik'a sababu ke senefenw bee taabolo ka ni. Nka, an be min nin nemogow fe, u ka feere tige nogoko la. An ka Kitajamana kan, mogo min ye foro bin k'a senekelaw koro. Koori ni kaba nogofin fila de be Kita jamana kan. O nogofin fila ma laboli ke. Bee be kule la, ko semudete desera cikelaw koro. Nogoko be semudete de bolo wa, walima a be goferenaman de bolo? Ka bo san 2002, la ka na a bila san 2003 la, tiñe na Mali goferenaman desera Mali senekelaw koro. Koori ni kaba, ka fara tiga kan, nogo ka ni senefen bee ma; fo n'i m'a soro. An be yoro min na bi nogoko degun bonyana an kan fo k'a damateme. Fen daw be yen, da folu fo; hakili b'olu ye.

Nuhun Legaran Kulubali Karaya
Kurujula Benduguba Komini Kita

Πininkali ntolatan kan

Ne b'a fe ka nininkali do ke ntolatan sariya do kan.

Ni mog'o do ye ntolatan ke ntolatanjekulu do la ka soro sariya te jen n'a ye, o nangili be ke wagati jumen na ? N'o y'a soro a be ke ka kon ntolatan ne walima n'a be ke a bannen ko ka waatijan-ke ? A be fo segesegeli min ma ko erezériwu, n'o ye ka mog'o do layelen ntolatankene kan min man kan, in'a foni kariton be mog'o min bolo walima mog'o were min te ton na, o n'a nogonaw. Bawo sosoli kera a la.

Mamutu KOYITA
Balikukaramogo Komine
Faraku Masa Segu
Jaabi :

Erezériwu suguya ka ca ntolatan na : sihake yelemani, karadante namarali sebenw dafabaliya, ani do werew. Erezériwu be ke sanni ntolatan ka damine. A' ni ton min bena nogon soro, n'o ye sariyasoso ke, ka ntolatanna layelen min te sariya kono, walima ka wale do ke min te sariya kono, o be jira ererezriwuseben kono. Ni tipe b'a bolo jo be di a' ma ka tila ka se di a' ma. Nangili were be yen, o ni ererezriwu te kelen ye, a be fo o ma ewokason. Ntolatan senfe, ni namara kera i la, a suguya o suguya, ni jaalatigebaga y'a tugu, k'o fill masina ke, ntolatan bannen ko, hali ka se tile fila ma, i be se ka seben ke, k'a jini filli ka latilen, ka jotigi jo, ka jalakitigi jalaki.

Ni ntolatan nemogow ye sesegeli ke k'a ye ko jo b'i fe, segin be se ka ke ntolatan kan, wa jaalatigebaga be nangi.

Nka, ni filli kera nangili jinini seben labencogola, a kera ererezriwu ye o, a kera ewokason ye o, a te mine. I ka kan ka teme sira min fe, n'i ma teme o fe, a b'o cogo kelen na.

Sisan Zoforew

Ne nisongoyalen be nin bataki ci «Kibaru» la. Feh do be ke Kita mara la min cekajugu kosebe; o ye zoforew ka baara ye. Folo zoforew ka baara ni sisan taw te kelen ye;

bawo folo, zoforew tun be jiriw ni sogow lakana, sisan taw t'o ke. Sisan zoforew be mogo sara, jiri saba mana ke dings kelen na, ko ka fila tige ko to kelen be modiya. O to kelen mana sa dun? E dun tena jiri were turu o no na. Yala i ye do bo jiri la walima i ye do fara kan? U be mogow bila ka jiri kene tige ko k'o ke «pike» ye.

Folo jiri jalan de tun be ke pike ye. Nka sisan zoforew be jiri kene ke pike ye; aa! o ye ne dabali ban. U ma dan o ma. U k'u be finfinjeniko numan jira mogow la. Yala jeniko numan be jeri la wa? Jini kene dun be ke finfin ye. Aw dun sigikan ye ko ka jiriw lakana. Aw be wotoro di mog'o dow ma, ka falisongo da o kan. I te dugu si ye Kita mara la ni tari 10 walima 20 turulen be jiri la dugu min kono.

Kita mara la i ni dugu min ce mana ke kilo 1 ye finfin jinisisi b'i kunben. Hali n'u ye bokala kelen ye faantan min bolo u b'i mine k'i ka wari sara. Hali foro kura boli k'an ka seben k'o bee la. Aylwa sariya be boli faantanw de kan, nk'a te bolo faamaw kan. Nb'a jini Mali nemogow fe, u k'u hakili to senekelaw ni baganmaralaw ni monikelaw la.

Manari Keyita
Sitantumu Kita

Mali nemogow fo


Mali nemogow b'u bolo tuluma mu senekelaw da la. U mana wuli su ni tile, u b'a fo ko senekelaw ni baganmaralaw ni monikelaw ye jamana ntuloma ye, ko k'olu deme. Nka a bee dan ye kuma in ye. San 2003 Kodiwarikélé geleyaw sera Mali senekelaw ma yan sabu «angere» bors kelen kera sefawari dorome 2754 ye.

Geleya mana ke dijne fan ofan okolo be se Mali senekelaw ma. Ala k'an kisi, ni geleya kera Mali la, Mali senekelaw ben'a ke cogo di?

Pate Boli
Danbanna Kita

Kibaru baarakelaw

Kibaru baarakelaw ka kan ni foli ye, k'a sababu k'u ka fasodennumanya baaraw ye. Jinan san



Siyaka Kumare

2002 ye kibarusében boli kelen ye ka san 30 soro. Malidenw ka se ka ladonninya o sababu ye «AMAP» ka cesiri ye, mog'o caman tun hakili la ko an ka fasokanw tena don da la n'o ye k'u seben ka baaraké n'u ye. Misali : Duguyiriwatónw cayara Ala hi balikukalan sababu, Maliden caman be bataki ci kibaru ma, ka soro u ma don lekoli la.

Mog'o caman b'u kunkow jenabó bi, kibaru kera sababunuman ye, Maliden bee ma. Siyaka kumare ko faso in te se ka bo nogó la n'an m'an wasadon an ka fasokanw na. Jamana jumen yiríwelen don ka soro a m'a wasa don jamana kanw na, dijne seleke naani kono?

Siyaka Kumare
balikukalankaramogo
ka bo Flyena Kulukoré mara la.

N be Mali nemogow fo

Ne be foli lase Mali nemogow ma sabu u cesirilen don senekelaw ka jetaa la. U ka cesiri y'a to senekela caman ye sanjisumanan soro. O kera nisondiyakoba ye senekelaw bolo. Nka geleya do be sanjisumananko la. Bamananw b'a fo ko ni den janyara n'a tabaga ye, a b'a tali geleya. Sanjisumanan yere songo ye dorome 600 ye; nk'a be dulon negenin min na o kera waa fila ye.

O yoronin kera senekelaw bolo geleyaba de ye; a ko be mog'o caman ye nka negenin se t'olu ye.

Soyibajan Jara Kodumandala
Wolajedo Nonko Kolokani

Sugu caman jenina Farafinna tilebinyan fe

Sugu ninnu jenina k'a sababu ke minékojuguya ni sariyaw labatolibaliya ye. Bamako suguba jenina 1993 san na. Benen suguba min be eele Dantokpa ani Maradi suguba Nizerijamana kan, olu jenina 2002 san na. Wagadugu suguba, o tun be wele Orodiwoko, o jenina an koro mëkalo temenen in na, 2003 la. Bamako suguba jenina bawo kuran barika bonyana negejuru ma, o yeelenna ka tasuma wuli yoro be la. Benen ta sababuya bora kujiranna do la. Wagadugu ta menena k'a sababu ke kurandimansin do ye (kurupu). Dantermekow, kokébalikew, faratikow, faamaw ka n - ka - sira - te - ko - law, olu bee lajelen de ye tijené ninnu sababuw ye. Wagadugu suguba tun dabora jagokela 2661 kama, mogo 5322 taara i cooko yen. Bamako ta jora tubabutile la; a tun dabora mogo 500 kama nka mogo 5000 tun b'o kono. Tijené min kera Bamako suguba jenini na, o benna miliyari 2 ni koma. Benen suguba ta senfe, miliyon këme kera sisi ye. Wagadugu ta hake ma don fo.

N'an ye jatemine ke, Wagadugu suguba kan, ale jora san 1989; a nafolo bora faransikaw ka yiriwali bankikun. Amusakawbenna sefawari miliyari 4,2 ma. A jora ka ne a nema. An be se k'a fo k'a nognon tun te Farafinna tilebinyanfan suguw la. Tasumafagalaw ka cakeda tun b'a kono. Mogo dow fana kalanna suguw lakanacogo la, olu fana tun b'a kono. Feere bee lajelen tun labenna sugu Jeyali, a kolosili n'a lakanani kama. Adamine na, baara bee kera a cogo la k'u ne. Nka a laban na, ko bee tijené : Jagokelaw, meriw, kolosilikelaw, polosiw ari faamaw, mogo si tun te i ka baara ke bilen. Mogo minnu tun mana gen ka bo baara la, olu tun be taa u soori yoro do la sugu in kono. Lakoliden minnu tilala u ka kalan na, n'u ma baara soro, olu fana caman taara fara jagokelaw kan. A kera

birisajaami dan bee lajelen ye Wagadugu suguba la. Nka bi, suguin te se ka laje: yorodow sisilendon, dow karilen don, dow firilen don, tasuma y'a sababu ye. Tasumajeni in kelen tile saba, jagokela do y'a ka miliyon caman sama ka bo bugurinje la, a y'a soro u fan kelen bee jeninen don. An fe Farafinna yan, jagokela caman dalen te bankiko la; u b'u ka nafolomuguba ninnumarau yere koro, ub'o fisaya ni bankilamaraliye. An ka jamana ninnu kono, jamanaden fanba be balo suguw de la : Jago, baanabaanaya ni bololabaaraw, du caman be balo o de la. Sugu y'an ka jamanaw fogofogo ye. Jagokelaw be lanpo min sara goferenaman ye, o ka ca cosebe. Mali la, san kono, jamana be baara ke ni nafolo min ye, n'i y'o tila 3 ye, 2 be bo jagokelaw kun. Kotonu suguba la, Benen, kalookalo, sannifeere be ke ni sefawari miliyari 2

ye. O kofe, naci werew be suguw la Farafinna : hadamadenyasraw be kala yen, kunnafoñi be soro yen; baara te mogo caman na, drome tu kun, nka don o don, u be taa sugu la, u b'u dahirime soro. Mogo dow yere be yen i n'a fo, lunjuratu, olu be balo suguw kono, saragatiw ni jagaw la. Sontan fana caman siyoro ye suguw ye. Nin bee de koson, suguw ka kan ka mine ka ne, Farafinna.

Mali suguba jora kura ye, jago daminena a kono san 1996. Miliyari 1 ni tila donna a joli la. Tasumafagalaw ka cakeda b'a kono, yorokolosilaw be yen; feere caman tigeré, walasa korolen nognon ka na ke bilen. O baara kura minnu kera Bamako suguba kura la, o be se ka ke misali ye bi Farafinjamana tow bolo.

Bukari Wangarawa
Sulueyimani Watara
Mahamadu Konta

Meriw mago te dugu tow la

Ni jamanadenw ma nininka u k'u hakililata fo kominko la filiba bëna don an ka jamana kono k'a sababu ke kominko ye de. Ne ne b'a la dugu caman diminen don u ka meriw koro sabu u mako te dugu tow la fo u wolodugu walima u ka jufadaw

doron.

U t'a nini duguw ka ben sabu ni benbaliya be duguw kono meriw yere te wuli ka faamuya don mogow ni nognon ce. A b'a sigi fo ka fitine mene.

Lasina Sangare
Memisala Danbe Sikaso

Poyi : Samiyé sera

N teri n'i dalen don,
wuli k'i sigi.
N teri n'i sigilen don,
wuli k'i jo.
N teri n'i jolen don,
Forosira mine.
Fen bee n'a ketuma.
Ko bee n'a kewaati.
Hun! n teri
A san joli ye ninan ye,
Sanji te laboli ke?
N balima cikelaw,
A fo wulijoona t'o fura do ye?

Dirisa Bakari Jara
Diyo-Buwatubugu Kati fe.

Cetun b'a fe k'aden feere

Irisila, Musuku polisiw ye ce do n'a muso mine k'a sababu k'u tun b'a fe k'u denyerénin feere Irisila faaba gari do kono dolariwari këme yirika dow la. U ye dolariwari 600 mine muso do la min ni polisi be je la n'o y'a yere ke denmusonmannin sanbaga ye. Denyerénin ladara dogotoroso la, yereyerew tun b'a la minnu sababuye bugoliw ye. Denyerénin bange bagaw y'a fo k'u tun b'a fe k'u den feere ka du do san togoda la. Polisiw be ka segesegeli ke n'a y'a soro u ni denjagolaw te je la.

Badama Dukure

Kalankénew n° 9nan

San o san, gafesében be ke ñonon fasokanw na

Mali ye taabolo kuraw ta kalanko la a be san mugan bo. A be fo o ma kanfilajekalan. Kanfilajekalan ye mun ye? Kanfilajekalan ye Fasokanw ni Tubabukan kalancogo numan ye ñogon fe. Lakoliden b'i sinsin fasokan kan, ka tubabukan faamuya. O feere kura in be ke sababu ye ka dönniya soroli ñogoya, ka denmissennin bila ninini, baara ani danbe sinsinni sira kan.

Nka gafe minnu b'an bolo bi lakolisow la, karamogow taw ni lakolidenw taw ani karamogow ka kalanfere koro, olubee bëna bila. Gafe kuraw be dilan, kalanfere kuraw be boloda, karamogoya kecogo bee lajelen bëna yelema, dönniya fenoñenbetubabukan na, o bee bëna bayelema an ka kanw na. Nin te baara fitimin ye. Jamanaden kelen-kelen bee niyoro be nin ko in na : Cikela bagangenna, monnikela, tubabubaarakela, diineñemogow, ñanraw, döñotigw, kuma te lakolikaramogow ni dogotigw ma, fo ka se kunnafonidilaw ma, ce ni muso denmisen ni maakoro. Nin bee koro ye ko jakoli bëna lasegin e tigiw ma, n'o ye lakolidensomogow ni dugumogow ye. Nka aenni o ka ke, gofrenaman kelen de kelen be k'a kogo da baaraba in na. Gofrenaman kelen ts se. O de koson, namsarajamana dòw ye ñems ke kalanko la, i n'a fo Lamerikenw, Holandjamana, Kanada, Siwisi dije waribonba ani do werew. O hukumu kono, san o san, kabini 1994, lakolikaramogow betañonon, utikaloo la, ka gatew dilan an ka kanw na : Bamanankan, Fulfulde, Songoyi, Soninke, Dogoso Siyenara, Ciayako (Bozo), Mamara, Tamaseki, Bomu (Bobokan) ani kasonkakan na. Kalan kunfolo la, k'a ta san folo la, ka taa se san wooronan na, kalanje gafe wooro dilanna kant tan ninnu kelen-kelen bee la. Jate gafew fana dilanna fo ka se san nganinan na.

San o san, Setanburukalo la,

lakolikaramogow minnu be dugumakalansow la, olu be kalan jamana fan tan ni naani kono, kalanfere kuraw. Kecogow la fasokanw ni tubabukan na. Ñonon gafesében ninnu be ke cogo di? Ñonon gafesében be ke kalanko minisiriso ka yamaruya kono. Lakolikaramogow, nininikélaw, nataliyedilannaw, minnu faamuyalen don, u caman ye san 30, san 20 walima san 10 ke baara la, olu de be tomo - tomo jamana kono, fasokan kelen-kelen bee la, ka baara ninnu ke, ñogokun wooro kono. Dogokun saba folo be ke sebenni na, a fo saba be ke filiw latileni na. Mogo minnu ta ye manseinnasabenni ye, olube kehe kan. San o san, mogo 200 fo 300, olu de be na ñonon gafedilan in kama. Baaraw be ke hakiliyalafalen hukumu kono. Ben manakéhakili, dönniya nifeere minnu kan, olu de be ke gafew kono. O bee kofe, fesefeseliw be ke ka filiw latilen. Waati nataw la an bëna an da don kanfilajekalan na, k'a fesefes, walasa mogow k'a faamuya, bawo mogocaman be k'a lagosi ka soro u t'a don a be ke cogo min na, kuma te a nafa ma. An ye nin kunnafoniw soro Mamadu ñakate fe. A be baara ke kalan ñeñinini ñemogoso la (CNE) Bamako.

Mahamadu Konta

Folici

- Ne be mogo minnu fo, olu file
An be ka cekoroba
- 1) Ba Gasiton Tarawele, Basabugu Falaje Kati
 - 2) Gonba Tarawele, Doribuguni Kolokani
 - 3) Fuseni Kulubali, Wolokoro, Masigi Joyila
 - 4) Jibirili Tarawele Butrosi-Butrosi Gali LICS
 - 5) Tumaní Sako, Balikukalankaramogodon.
 - 6) Amadu Jalo ni Maduba Tarawele, Sankela
 - 7) Manan Keyita, Sitatumu Kati
 - 8) Cekoro Tarawele Yarangabugu Kolokani
 - 9) Ibrahima Jara Animateri Surukutu Ofisi di Nizeri
 - 10) Bala Konate, ka bo Kónsofon ñamina
 - 11) Sanba Jane ka bo NPebugu Sanado Segu
 - 12) Dirisa Bakari Jara, Diwo Buwantubugu Kati
 - 13) Modibo Tarawele ka bo Kondogola Zezana-Gari
 - 14) Nuhun Kulubali n'a be wele Legaran ka bo Karaya Kulujula Kati
 - 15) Modibo Demeli So; ka bo Mosonbugu Sandare ñoro
 - 16) Burama Jalo ñononomon Njila Sikaso
 - 17) Sumayilate Kulubali ka bo Fasonbugu
 - 18) Basiru Kulubali ka bo Sananko Nabaso Kati
 - 19) Yaya Mariko Kalabankoro-Kati
- An bee ye ñaniya kelen ye, o la sa an te ñogon don nka n'an be folici sama ñogon ma, o fana be ke sababu ye ka mogoñ kanu don ñogon na. O kama ne b'a jini Kibaru ñemogoyaso fe, a ka ne ka nin folici in bo kibaru kono.

Mamutu Koyita Balikukalankaramogod Komine Faraku-Masa.Komini na. Joro

Ka kibaru kanubaga bee fara ñogon kan

Jumadon, san 2003 marisikalo tile 28, do ye batasi ci ko kibaru ñemogow k'a laje ka kibaru kanubaga bee fara ñogon kan walasa bee ka se ka ñogon don. Baara numanba don. Kibaru ñemogow k'a laje ka baara in sigi sen kan bawo jumadon san 2003 mekalotile 30 do seginna a kan. A siñe saba ye nin ye mogow b'a fo.

Ne yere koni be min jini kibaru ñemogow fe, u k'a laje ka don do sigi sen kan, ka don do jate mine; san o san, n'o don sera kibaru kanubagaw be ñogon soro o don, n'o teñ balimake ye kuma min fo, o don n'o benna mekalotile 30 ma, san 2003. Tije don, n'i y'a laje baarada fen o fen be baara ke Mali la yan, olu bee be nin ñogonna ke. Ni kibaru ñemogoyaso sera ka nin baara waleya, o be ke sababu ye ka barika don balikukalan na.

Isa Jalo Animateri Kodugu Diyo Kati

Gelya be Kodiwari jabibiko la

Kodiwari jabibi be ka dogoya Eropu sugu la k'a sababu ke jabibi minnu be bo Ameriki ciyakedabaw fe minnu be Ameriki Latin; (Kositarika, Mekisiki, sen Domengi), ani jabibi minnu be bo farafinna i n'a fo Gana, Kameruni ani Keniya. San 1970 - 1980 na Eropu ka jabibi dunta tun be se toni 100.000 ma san kono. Kemesarada la Kodiwari jabibi joyoro tun ye 95. An be don min na i kobi, Eropu ka jabibi dunta be ben toni 360.000 ma, nka Kodiwari jabibi be ben tilance ma o la.

Jabibi boli ka gelen Kodiwari kono, k'a sababu ke baraziw ye sirabaw kan ani k'a ta san 2001 ka se 2002 ma, jabibi feereta dogoyara Kodiwari hali ni caman farala toni sorota hake kan, k'a sababu ke nafolo donni y'a da fe; (jiriden dalajeyoro dojora Abijan pori la). Jiginni sababu ye suguya dow boli ye i n'a fo EMUD2 n'olu be bo Ameriki latini. Emaniyeli Doli ka fo la, n'ale ye jabibi ni namasasenew ka jekulu nemaa ye, Kodiwari makankera sababu ye waritigiw k'u nesin jamana werew ma i n'a fo Gana jabibi

feerebagaw n'a sanbagaw jera k'u ce kojew sabati. Kumaboli caman kera; kumaboli kera ka nesin Faransi ni Eropu jabibi feerelaw ma. Baaraw be ke walasa ka Irisila ni Eropu joyorow sabati. Okofe seben dobena laben ka jabibi suguyaw danfara, k'u ne sabati ka taransiporikow n'ebab, an'u maracogo numan. Okoson, Kodiwari kono, jabini bee be taa marayorow la minnu labennen don ni minen caman

ye. Foka se sisan ma, Kodiwari jabibi be soro nenevaati Eropu magasanw kono. Tilema waati, sanbagaw b'a to yen k'u nesin Eropu taw ma.

Nka jabibisenew nemaa y'a jira ko jabibi ka kan ka to yen waati bee walasa sanbagaw be del'i a la. Jabibi laboli ka kan ka ke san bee la. Kele ma baasi se jabibi ma sabu jabibiforow be tilebin fe goferenaman ka sorodasiw tun be yoro minnu na.

**Donpe Kirisitiyan Lopezi
Badama Dukure**

Eropu jabibi sugu

Feerebagabaaw Eropu kono	Toni hake san 1999
Kodiwari	177.800
Kositarika	106.400
Hondirasi	6500
Kameruni	5700
Sanbaga jenjenew	
Faransi	154.900
Beliziki Likisanburu Peyiba	80.000
Itali	43.600
Alimani	12.700

Koorsene n'a gelyaw Benen

Koorsene hake jiginna kosebe ninan Benen jamana kono. O kera gelyaya ye. O gelyaw sababuya bora koori ko baarakelaw ka fognognok ni cikelaw kannajuruw cayalila. Dan karilla Benen ka yiriwali la, bawo koori ye jamana in ka jagofen n'enamaba folo ye min be feere jamana werew ma.

N'i ye san 2002-2003 laje koori la, i b'a ye k'a fo ko taari 400.000 de tun ka kan ka ke kooriye, nka taari 320.000 de sera ka sene. Koori sorota hake binna. Min sorola 2001-2002 la, o benna toni 415.000. San 2002-2003 ta m'o o bo; o kera toni 320.000 ye. Mali koori sorota hake fana jiginna ni 26% ye. Burukina ta tora a cogo koro la, toni 400.000 n'ogonna. Gelyaw sababu ka surun n'ogon na nin koorsenejamana ninnu kono: sanjidesse, koori sansongo binni, (a kilo tun ye 40 ye, a laban kera 36 ye, 2002-2003la Burukina ni Malila. Benen

ka gelyaw juguyara k'a sababu ke benbaliya ye cikelaw, koorigosillaw ani jagokelaw ni n'ogon ce. Benen goferenaman y'a senbokoorkobaaraw la, k'a to kenyerayew bolo, walasa n'ogoya be don a ko la. Namarakow cayalen, goferenaman y'a laje ninan, ka kenyeraye humanw sugandi; n'ogow ni furajiw ma soro a waati la, sanjidese fana nana fara o kan.

Taari kelen na, a mana ke cogo o cogo, koori kilo 1000 tun ka kankaka soro. O jaasira fo ka ke kilo 400 fo 200 ma taari kelen na. Min yere juguyara n'a to bes ye, o kera koori wari sorobaliya ye joona senekelaw fe Benen. Dow y'u ka koori feere, k'u sigi k'u bolo fila da u sen kan ka kalo 8 ke ka soro u m'u ka wari soro.

Koori sansongo yelenbaliya, walima a dibaliya joona, o fila bee kera sababu ye ka n'ogon juruw kari cikelaw kanna.

Yuruguyurugu min fana be Benen dugujiriatonw kono, o barika ka bon kosebe. Benen cemanceyorow la, juru miliyari 1,3 be cikelaw la, saracogo t'a la. O y'a to ni cikedugu caman y'u sen bo koorisene na pepewu. Koori sorota hake jiginna o yoro la ka se fo 80% ma. N'i ye Benen jamana bes lajelen ta, i b'a ye k'a fo, ko juru miliyari 5 be kooriseneaw na, wa saracogo t'a la. A laban na, a jirala Benen goferenaman na, kon'ub'a fe ka bo nin geleyaw kono, u ka Mali ke misali ye koori la, o koro ye ka Mali ta n'ogon ke. Goferenaman ka juru ninnu tilance sara, ka do fara koori songo kan, ka cikelaw makonjenew sugandi konuman, walasa toni 400.000 ka soro 2003-2004 la. Nka sanni o ce, cikelaw kelen be k'u nesin sumanw ni kuw ni banankuw seneni ma, bawo a mana ke cogo o cogo, olu be dun, koori dun te balo ye.

**Feman DANSI Nuwilligibeto
Mahamadu KONTA.**

Joliba ntolatannaw ye se soro Tata wasara, KupudiMali diyara.



Mali ntolatan nemogow y'a dabo jigi min kama, o fara. Moti ye Kupudimali laben konuman. Bee lajelen wasara. Nin tun y'a sijne fofé ye, Kupudimali ntolaci laban ka ke yoro were la minte Bamako ye. Motikaw ye laben minnu ke, k'o fara arajomi ye jabaraminsoka labennw kan, k'o fara Moti faamaw taw kan, dugu keré i ko jinesokala. Tile fila kono, tulonma kotigé, a suguya bee lajelen : don, dönkili, jabo, nogolon... O kofé, jamanakuntigi tun be kene kan, ani goferenaman mogow. Sorodasiw tana y'u ka dönkow ke, ka jigin ntolanyekabosante, pankuruw na. Moti jagokelaw, a lotolitigw, a duurintigw, takisitigw ni karetigw, bee y'u tege non. Tulon diyara fo k'a fo a diyara. A nogon ma deli ka ke Moti kono fofé, seeuw ka fo la.

Fen min ye ntolatan yere ye, o fana diyara n'a to bee ye. Filelikelaw y'u ne daamu a nema. Joliba tun ka san tijena, a cili yere tun be ka fo, nka Ala ye se di a ma, a kisira. Sikasokaw tana tun m'a don k'u be se ka nin hogonntolatan ke, njagelya n'coup ni aye Joliba fe.

Garijége de y'a to ni Joliba ye se soro, n'o te, kenedugu tun mana Kupu ta nin don in, o fana tun te bali mogo la. Tijé yeryere la, Sikasow tun b'a fe ka taa ni Kupu ye wa u y'a wale ke fana. U tun b'a fe ka sigi ta ke, o min kera marabolo fofé, ye, ka Kupudimali ta; o kera san 1987.

Wajibitun don joliba kan a ka se soro. Nanaw ka ngondan ntolatan na,

Esitadi y'a dan o la. A to tun tora Kupudimali dorcé ye. N'o tun tilala a la, o tun ye kélé tijenéne ye. A don, n'i tun ye Joliba peresidan ye tele la, Karonga Keyita, jore ni s i r a n , taamasiyenw tun dalen be a ns kan. Joliba dun ye ton ye min be nafolo don ntolatanko dafe ka tème Mali ton bee kan : Ntolatannaw be

sara kalao o kalo, ntolatankene numanba jora, o kofé u ka degelikaramogo be be jamana were kan, o fana be sara kalo o kala nafoloba la. U ye ntolatanna dunanw fana san jamana werew la, olu b'u déme. Nin bee kofé, lotoli belebeleba be Joliba bolo min be miliyon caman ladon u kun kalo o kalo. Nka o n'a ta o ta, Bamako yan, Esitadimaliyen de jama ka ca. Dugulehw ka ca Ereyali la. SOBE ye mogo kalannenw ka ton ye. Joliba ye keke ta ye, i n'a fo «Sesika» ye Salifu Keyita ta ye cogo min na.

**Modibo Nama Tarawele
Mohamadu Konta**



TULON

Nin ja fila dilanbaga y'a dabo a kama ka fili 10 k'u la. A y'olu nini



1 - Dulki -fengen. 2 - Ce numan te defuruku. 3 - Jin ds. 4 - Ce kusigil. 5 - Lineti kinlin fe. 6 - Lineti kala mun. 7 - Ce tenbarra. 8 - Banamini min be defuruku kan. 9 - Sigareti min be ka bin. 10 - Ce kan.

Jaabi :

Tulon te sebe sa

Jama bora ka Tata ntolatannaw kunben Sikaso

Tine don, Joliba ye Kupu ta, Tata binna nka o n'a ta bee, Sikaso ntolatannaw ye kunnawolo soro. U binna ka Sikaso jorjor yankannen to sanfe, a ma bin, abada; o de koson kenedugu y'u kunben ni barika ye, u seginnen ka bo Moti. Babenba Tarawele togolantolatankene kan, jama y'u bisimila k'u karama. Sanii u ka se yen, Sikaso bolonkononaw fara jama na, ka tegere ni donkiliw da u ye, k'u fo, k'u walenumandou.

Uni Joliba ka nogonkunben senfe, bee hakili b'a la, Sikaso folo de ye bi don sanga 33 nan na, Yahaya Kulubali fe. Sanga 63 nan na, Joliba fana ye kelen don Birama Tarawele fe. Ntolatan sanga 90 banna o kan. Sanga 30 farala waati bolodalen kan bawo, fo do ka se soro diyagoya la. Ka ntolatan toto sanga kelen pewu ye, Sedonude Zanwiye Abuta, o nana Joliba ka bi 2



nan don. Tata binna nka a ma malo, a ma jigiw tine.

Sikaso faamaw ani a maabaw, ka fara Sikaso bee lajelen kan, kerenerena la, a mara kuntigiba ani

Tata kuntigiba, bee jera ka foli ni dugawu ke Tata ye, k'u ni wale.

Fuseni Jabate
Mahamadu Konta

San 2003 Ntolatan janaw kera Esitadi ni Joliba ye



Ninan, ntolatanton janaw na, folo kera Esitadimaliyen ye; kupudimali tara Joliba fe. Ntolatanton minnu ye nana ye Bamako ani Mali marabolow kono, olu ye 14 ye. Bamakotaw ye : Esitadi, Joliba, C.O.B, C.S.K, Mande, Komini 2, Ereyali ani E.S.D. Kulukoro ta ye nnan ye. Sigi ye Kayi joyoro fa. Tata nana Sikaso togo la. Biton ye Segu joyoro fa. Erenesansi, ofanabora Segu.

ntolatanton janaw ce la janaw ye. Esitadi ye geleyaw soro san damine na. A ka degelikaramogo, n'o tun ye ganaka ye, o y'a joyoro labila; Seku Jalo nana o no na. Nka san laban na, a ye baara ke kosebe ka se ka ke folo ye Mali ntolatantonw ce la. Fen min ye kupudimali ye, o tara ninan Joliba fe. Joliba sera Sikaso Tata la, 2 ni 1. Ntolan in kera Moti. Mogo o mogo tun

be kene kan, bee y'a ye ko nogosimai ke Joliba ka se la. Sikasokaw ye ntola mintan, mogow famana k'ofana nogon ye, an ka marabolow ntolatannaw fe : hakilisigi, nedon, anicsiri, Sikasokaw y'o jira fo ka se ntolatan laban ma. U ni foli ka kan.

Mahamadu KONTA

"AMAP" kuntigi
Solomani DARABO
Mali kanw kunnatoniibew
baarada kuntigi
Nanze Samake
Kibaru

BP: 24 Telefon: 221-21-04
Kibaru Bugullye Bozela
Samako-Mali
Socenbagew kuntigi
Bedama Tukuna
Ses Sankuru
Mahaamadu KONTA Esitadi Dukuna
Aboubacar Diakhatte Dukuna
Babou Diakhatte Dukuna